

Mawlana Shaykh Muhammad Adil ar-Rabbani

QUR'ĀN KO BACHAY KE DIL MEIN BOYEIN

*As-Salāmu 'Alaykum wa RaḥmatuLlāhi wa Barakātuh.
A'udhu BiLlāhi Minash-shayṭāni r-raḥīm. BismiLlāhi r-Raḥmāni r-Raḥīm.
Wa ṣ-Salātu wa s-Salāmu 'alā Rasūlinā Muḥammadin Sayyidi l-Anwālina wa l-Akhirin.
Madad yā RasūlAllāh, Madad yā Sādātī Aṣḥābi RasūlilLāh, Madad yā Mashāyikhinā,
Dastūr Mawlana Sheikh Abdullāh al-Fā'iz ad-Dāghistāni, Sheikh Muḥammad Nāẓim
al-Ḥaqqāni. Madad. Tarīqatunā aṣ-Suḥbah wa l-Khayru fi l-Jam'iyyah.*

Bismi Llāhi r-Raḥmāni r-Raḥīm.

إِنَّ هَذَا الْقُرْآنَ يَهْدِي لِلَّتِي هِيَ أَقْوَمُ

“Inna hādhā l-qur'āna yahdī lillatī hiya aqwam”, “Beshak, yeh Qur'ān uss cheez ki taraf rehnumai karta hai joh sabse behtareen hai.” (Qur'an: 17:9). Šadaqa Llāhu l-'Aẓīm. Allah 'Azza wa-Jalla farmata hai, Qur'ān 'Aẓīmu sh-Sha'n behtareen rasta dikhata hai. Yeh hidayat ka zariya hai. Qur'ān 'Aẓīmu sh-Sha'n ki tilawat kare, Hamare Rasool ﷺ farmate hain. Isse faida uthaye.

Qur'ān 'Aẓīmu sh-Sha'n duniya ki wahid kitaab hai jo Allah 'Azza wa-Jalla ka haqiqi kalaam hai, bilkul waisa hi jaise Allah ﷻ ne bheja. Duniya mein bahot si kitaabein hain, jaise ke Taurat, Injeel waghera, lekin sab ko un logon ne badal diya hai. Unhone in kitaabon ko bahot zyada tabdeel kar diya hai, apni marzi aur soch ke mutabiq. Sirf ek wahid kitaab hai, asmani kitaab, joh Allah ﷻ ki taraf se utaari gayi hai, woh hai Qur'ān 'Aẓīmu sh-Sha'n. Isay padho, hamare Rasool ᷺ Llāhu 'alayhi wa-sallam farmate hain. Iss mein shifa hai, iss mein khayr hai. Har qism ki behtari hain Qur'ān 'Aẓīmu sh-Sha'n mein.

Yaqeenan, har shakhs Qur'ān 'Aẓīmu sh-Sha'n hifz nahi kar sakta. Aksar bachon ko Madrasah mein bheja jata hai taake woh Qur'ān hifz kar saken, aur woh hifz kar lete hain. Allah ﷻ un se razi ho, Allah ﷻ unki hifazat kare. Ab, Allah ﷻ ka shukar hai, garmiyan ka mausam hai. Jab garmiyan aati hain, yeh riwayat zyada Türki mein dekhi jati hai, aksar hum isay dusri jagahon par nahi dekhte, jab school band hotay hain aur chhuttiyo ka aaghaaz hota hai, Allah ﷻ ka shukar hai, muallimeen masajid

Mawlana Shaykh Muhammad Adil ar-Rabbani

mein (Qur'ān ki) taleem dete hain. Ek mahina, dedh mahina, ya taqreeban chalis din tak, bachhay rozana waha jate hain do ghanto ke liye. Woh waha Qur'ān 'Azīmu sh-Sha'n seekhte hain. Arabi harf se shuru kiya jata hain. Woh Arabi likhai mein padhna seekhte hain. Yeh bahot badi khoobsurti hai. Allah ﷻ un logon se razi ho jin logon ne aisa kiya. Aksar log apne bachon ko bhi bhejte hain. Yeh yahan Cyprus (Kibris) mein bhi hota hai. Hamare sabiq Waqif (idarey) ke sadar, Allah ﷻ un se razi ho, har qism ki bhalayi ki. Aur bachhon ko mazeed khush karne ke liye, woh un bachhon ko jo ders mein aate thay, tohfe bhi dete thay. Ab woh ab hamare darmiyan nahi hain, lekin ab bhi bachhon ko choti choti cheezen dete hain taake un ki dilchaspi barqarar rahe.

Qur'ān sab se zaroori cheez hai insaan ke liye. Qur'ān 'Azīmu sh-Sha'n seekhna khanay, peenay aur saans lenay se bhi zyada ehmiyat rakhta hai. Ustaadon ke paas pehle se hi khoobsurat tareeqay hain. Agar bacha tawajjo de, to ek haftay mein padhna seekh sakta hai. Lekin agar zyada tawajjo na de, to shayad pandrah din ya ek mahine mein Qur'ān 'Azīmu sh-Sha'n padhna shuru kar dega. Aur baharhal, chaalis din mein aaram se padhna seekh lega. Itna ustaad ka farz hai. Us ke baad, taake woh bhool na jaye, bachhon ke ghar walon ko lagataar (isay jaari rakhna chahiye). Hum kehte hain woh apna waqt qurbaan karein, lekin yeh qurbani nahi hai. Waqt hasil karne ke liye, bache ke saath paanch minute baith jayein. Bachhe ko ek safha padhne do taake woh lagataar padhta rahe aur bhoolay nahi. Jo ek safha woh padhta hai ya Qur'ān 'Azīmu sh-Sha'n se jo kuch seekhta hai, Allah 'Azza wa-Jalla uski poori shakhsiyat ko sehatmand karta hai, uski aqal ko taraqqi deta hai aur uske akhlaaq ko khoobsurat banata hai. Yeh usko har qism ki bhalai deta hai. Apne ghar walon ki izzat karna aur apne mulk aur insaniyat ke liye mufeed shakhs banna, yeh choti si cheez hai jo woh roz karta hai, lekin yeh uski rooh aur uske imān ko taqat deti hai.

Aksar log isay ahmiyat nahi dete, lekin yeh sab se azeem aur sab se eham cheez hai. Qur'ān padhana, Qur'ān seekhna, aur us par qaim rehna bahot bada fayda hai. Sab se bada faida. Jo log yeh nahi karte, woh bekar zindagi guzar rahe hain. Aaj kal log is soch mein pareshan hain ke apne bachho ke liye kya karein, "Unhein kya dein?" Aaj kal log apne bachho ke ghulam ban gaye hain. Bachho ko un ki khidmat karne ke bajaye, ghar walay bachho ki khidmat karte hain. Aur upar se, bachho ko yeh bhi

Mawlana Shaykh Muhammad Adil ar-Rabbani

pasand nahi aata. Qur'ān 'Aẓīmu sh-Sha'n padhna aur us par qaim rehna un ke akhlaaq ko khoobsurat banata hai. Woh apne gharwalo ki izzat karta hai, logo ki izzat karta hai. Woh Allah ﷻ ka khoobsurat banda ban jata hai. Allah ﷻ hum sab ko ache banday banne ki taufeeq de, Insha Allah. Yeh bachhe ke liye ek beej hai. Yeh ek beej hai jo us mein boya jata hai, jo mustaqbil mein ek bara chinar ka darakht banega ek bada darakht, ek barakat, Insha Allah.

Wa min Allāhi t-Tawfīq. Al-Fātiḥa.

Mawlana Sheikh Muhammad Adil ar-Rabbani
30 June 2025/ 05 Muharram 1447
Lefke, Cyprus